

O'ZBEK LEKSIKOGRAFIYASI TARIXIDAN

M.Ibragimova, FarDU talabasi

Annotatsiya: *Mazkur maqolada o'zbek leksikografiyasi rivojlanishining tarixiy davrlashtirish tamoyillari, lug'atchilik an'analari va ularning hozirgi zamonaviy leksikografiyaga ta'siri o'rganiladi. Leksikografiyaning shakllanish bosqichlari, ularning ilmiy va amaliy asoslari tahlil qilinadi.*

Аннотация: *В статье изучаются принципы исторической периодизации развития узбекской лексикографии, лексикографические традиции и их влияние на современную лексикографию. Анализируются этапы становления лексикографии, их научные и практические основы.*

Abstract: *This article studies the principles of historical periodization of the development of Uzbek lexicography, lexicographic traditions and their impact on modern lexicography. The stages of the formation of lexicography, their scientific and practical foundations are analyzed*

Kalit so'z va iboralar: *leksikografiya, lug'atchilik tarixi, davrlashtirish, an'ana, o'zbek tili, ilmiy lug'atlar, tarixiy bosqichlar.*

Ключевые слова: *лексикография, история лексикографии, периодизация, традиция, узбекский язык, научные словари, исторические этапы.*

Keywords: *lexicography, history of lexicography, periodization, tradition, Uzbek language, scientific dictionaries, historical stages.*

O'zbek tilshunosligi taraqqiyotida leksikografiya muhim o'rin egallaydi. Leksikografiya — til birliklarini tizimli tarzda yorituvchi fan sifatida nafaqat zamonaviy til holatini aks ettiradi, balki tilning tarixiy taraqqiyotini ham belgilaydi. Bu boradagi yondashuvlardan biri — leksikografiyani tarixiy jihatdan davrlashtirishdir. Har bir davr lug'atchilik an'alarini, tamoyillarini va metodikasini belgilaydi. Ushbu maqolada o'zbek leksikografiyasi tarixini davrlarga ajratish zarurati, tamoyillari va asosiy lug'atchilik an'analari haqida so'z yuritiladi.

O'zbek leksikografiyasi ildizlari qadimgi turkiy davrga borib taqaladi. "Devoni lug'atit turk" (Mahmud Koshg'ariy, XI asr) ilk leksikografik manba bo'lib, unda turkiy tillarning boy lug'aviy tarkibi keltirilgan. Keyinchalik "Muhokamat al-lug'atayn" (Alisher Navoiy) asari o'zbek tilining mustaqil leksik taraqqiyotini aks ettirgan muhim manbalardandir.

O'zbek leksikografiyasida tamoyil va an'ana ikki muhim tushuncha bo'lib, ular lug'at tuzish jarayonining ilmiy asoslari va tarixiy davomiyligini belgilaydi. Quyida ularning qisqacha izohlash mumkin:

1. Tamoyil (printsip). Tamoyillar — bu lug'at tuzishda asos qilib olinadigan ilmiy, nazariy va amaliy qoidalar majmuasidir. Ular quyidagilarni o'z ichiga oladi:

2. Ilmiylik — so'z va ma'lumotlar ishonchli, adabiyotlarda mavjud bo'lgan shakllarga asoslangan bo'lishi kerak.

2. Sistemalilik — lug'atda keltirilgan so'zlar bir-biri bilan grammatik, semantik yoki boshqa bog'lanishlarga ega bo'ladi.

3. Aniqlik va tushunarliklik — har bir soʻz izohi sodda, aniq, ortiqcha murakkabliksiz boʻlishi kerak.

4. Normativlik — adabiy til meʼyorlariga amal qilinadi.

Ushbu yuqorida berilgan namunalar lugʻatlarga xos taʼmoyillarni belgilab beradi.

Anʼana — bu oʻzbek leksikografiyasida avvalgi avlod leksikograflar tomonidan yaratilgan lugʻatlar, ularning uslubi, shakli va ishlash uslublariga tayanish demakdir. Misollar uchun Oʻzbek tilining izohli lugʻatlari (1969, 1981 yillar) Maʼrifatparvarlar va jadidlarning lugʻatlari (Abdulla Avloniy, Fitrat) Sovet davri lugʻat maktabi — strukturaviy yondashuvga asoslangan.

Anʼanalar zamonaviy tamoyillar bilan uygʻunlashtirilganda, yuqori sifatli, foydalanuvchiga qulay lugʻatlar yaratiladi.

Oʻzbek leksikografiyasidagi har bir lugʻatning oʻzi xos va umumiy tomonlari mavjud boʻladi. Masalan, baʼzi lugʻatlar alifbo tartibida, baʼzi lugʻatlar esa soʻz turkumlariga koʻra yozilgan boʻladi. Albatta, bu lugʻat tuzuvchi xohishiga koʻra bajariladi. Ushbu jadavl orqali biz bu farq va umumiylikni yana-da tushuna olamiz.

Til tarixida yaratilgan lugʻatlar uhun umumiy xususiyat bu ularning anʼanaviy bismillahur rohmanir rohim bilan boshlanishi va yuvman soʻzi bilan tugashi desam, adashmaymiz. Masalan, Mahmud Qoshgʻariyning ”Devoni lugʻotit turk”, ”Abushqa,” Sangloh””Kelurnoma” kabi lugʻatlar bunga yaqqola misol boʻladi.

Baʼzi lugʻat tuzuvchilar lugʻatlarini alifo boʻyicha yaratishgan boʻladi. Masalan, ”Badoyi-al lugʻat”, ”Sabʼat abhur”, ”Devoni lugʻotit turk” kabi lugʻatlar misol boʻla oladi.

”Soʻz maʼnolarining leksikografik tasnifi” va ”Kitob al- idrak li-lisan al-atrak” kabi lugʻatlar esa tilshunoslikka oid boʻlimlar, yaʼni fonetika yoki morfologiya bilan boshlanishi bu, albatta lugʻatlaning oʻziga xos xususiyatini ochib berishga xizmat qiladi.

Lugʻatlar nomi	Muallifi	Vaqt	Tuzulishi	Maqsadi	Hajmi	Tili
“Devoni lugotit turk”.	Mahmud Qoshgʻariy	XI asr	Soʻz turkumlari boʻyicha	Qabila soʻzlarini izohlash	8 boʻlim; 7500ta soʻz;	Turk
“Muqaddimatul adab”	Mahmud Zamaxshariy	1137	Ot; feʼl; bogʻlovchi; ot oʻzgarishlar; feʼl oʻzgarishlar	Xorazmshoh Otsizga atab yoziladi	5 qism	Arab
“Attuhfatuz zakiyatu fillugʻotut turkiya”	Mahmud ibn Vali	XIV asr	_____	Qipchoq shevalarini oʻrganish	1 risola; sahifa	Arab
“Abushqa”	_____	1560 -yil	_____	Alisher Navoiy va uning zamonlari asarlari tili uchun yaratilgan	402 betdan iborat.	Arab tili nastaligʻ yozuvi
“Tarjimon”	_____	XIV asr	Lugʻat ismlar, feʼl va uning turlanishi haqida	Arab grammatika siga asoslangan asar sanaladi.	26 fasl	Turk
“Badoyi-al-lugʻat	Husayn Boyqaro tuzdirtirgan	1500 -yil	Alifbo boʻyicha	Navoiy asarlari uchun tuzilgan	_____	Arab
“Kelurnoma”	Muhammad Yoqub Chingiy	XVII asr oxiri		Hindistonda yashaydigan turkiy zamonlar talaffuzi uchun.	15-bob; 6000 soʻz	

Til tarixida yaratilgan har qanday lugʻatda biz umumkiylik va xususiylilik kabi hodisalarga guvoh boʻlamiz. Bu holat bizga oʻsha davrlarda lugʻatlardagi hamma uchun barobar boʻlgan qonuniyatlar haqida xabar beribgina qolmay, har bir lugʻat

tuzuvchining o'ziga xos yo'nalish va prinsip sohibi ekanidan xabar beradi desak adashmagan bo'lamiz.

Barcha ko'rsatilganlarni xulosalaylik, mazkur maqola tahlil natijalariga asosan, O'zbek leksikografiyasi boy tarixiy an'analarga ega bo'lib, har bir davr o'ziga xos yondashuvlari bilan ajralib turadi. Davrlashtirish tamoyili orqali bu jarayonni tizimli tahlil qilish mumkin. Leksikografik an'analari, xususan, Mahmud Koshg'ariy, Alisher Navoiy, jadidlar, sovet olimlari va zamonaviy leksikograflar faoliyati orqali boyitilib kelmoqda. Hozirgi zamon o'zbek leksikografiyasi an'anani yangilash, ilmiy asoslash va zamonaviy texnologiyalarga integratsiyalashish bosqichida.

Adabiyotlar:

1. Mahmud Koshg'ariy. *Devoni lug'atit turk* Toshkent: Fan, 1993.
2. Alisher Navoiy. *Muhokamat al-lug'atayn*. Toshkent: G'afur G'ulom nashriyoti, 1982.
3. Xasanov, B. *O'zbek tilining izohli lug'ati*. Toshkent: O'zFA, 1981.
4. G'afurov, N. *Leksikografiya asoslari*. Toshkent: O'qituvchi, 2007.
5. Karimov, S. *O'zbek leksikografiyasi taraqqiyoti*. Toshkent: Fan, 2015.
6. O'zbekiston Respublikasi Prezidenti qarori: "Davlat tilini rivojlantirish strategiyasi", 2019.